

嵯縣志

余銘宋題



嵯縣志卷十七

人物志

義烈

明

高鶴鳴字震青居城東隅衡兄也明弟子員負經世志聞懷宗崩

痛哭流涕會魯王監國有旨勤王鶴鳴破家召募以赴急難捍

禦無遺力及敗盡節死年三十有詩數卷師行云義戈烈烈武

興關國爾忘家不再還不惜尸骸裹馬革但將魂魄向梅山讀

者咸閱其志云子克屏諸生

何時旌獎無考
同治志下同

清

章應梁順治五年勦賊陣亡

同治志據舊志列女
傳補何時旌獎無考

陳世昌字篆山舉人居城北隅博通經史志行剛方不諧於俗舉

咸豐壬子鄉試兩赴禮闈不第家居憤鬱視流俗無一當意譏
笑怒罵醉後時作阮嗣宗哭嘗著有周易闡義地理大全未梓
辛酉洪楊軍抵嵎家人以避亂請勃然曰賊不久殄耳吾得死
所矣及城陷被執脅之降大罵曰豈有降賊陳篆山乎恨無力
磔汝遂遇害事聞賜祀崇義祠蔭一子慶桂承襲

錢鎮雄字占城武舉剡源鄉山口人貌如冠玉而英邁過人辛酉
起義與從弟鎮嶽破新昌土匪逐胡嶺遊匪十月初旬洪楊軍
由諸暨竄嵎弟兄禦要隘斬數人後敵萬餘至左右夾攻彈中
腦而亡事聞賜祀崇義祠蔭一子

錢鎮嶽字石隄武舉鎮雄從弟莊重寡語言剛膂力有禦侮才辛
酉議辦防務推爲團首破新昌土匪逐胡嶺遊匪十月初洪楊
軍竄嵎鎮嶽率團禦之手刃敵騎四左右衝突敵不能近後敵

以烏鎗齊擊之中彈死事聞賜祀崇義祠蔭一子

裘省成號雲衢貢生居崇仁性孝友父母俱享高年省成謹事之終身兄弟四人合爨四十餘年獨肩家政男婦三千指無閒言丁未壬子歲薦裋出米一百七十石賑之辛酉秋洪楊軍逼近鄉中辦團防出已資一千三百串後洪楊軍抵崇仁被執不屈死事聞祀崇義祠世襲雲騎尉子引初承襲

三千指當有訛姑仍舊志載之

宋運周貢生居鴨舍坂辛酉冬奉九十五歲老母避新邑山中十一月初七聞弟運久被據痛哭奉母命歸省遇洪楊軍於途遂被害時年六十三事聞賜祀崇義祠蔭一子孫世言承襲邢燦貢生居沃基遇洪楊軍不屈死時年七十事聞賜祀崇義祠蔭一子長孫慶瀾承襲

張容貢生居十九都沙園莊辛酉冬洪楊軍焚掠容出而抗拒敵

義烈
執容欲刺之容痛罵不絕死極慘事聞賜祀崇義祠蔭一子孫
名芳承襲

尹貞增生居甘霖鎮性沉毅好參性理書青藜萬學政歲試性理
論名冠八邑辛酉奉諭辦團攻城不克壬戌春聞天台民團克
復台城徒步往台借勇偕新勇並攻城城堅守嚴又不克退守
甘霖敵大股圍之遂遇害事聞賜祀崇義祠蔭一子天傑承襲
郭誦芬字芬畹增生居太平鄉石碣生平勇於爲人抑強扶弱鄉
里重之咸豐十一年八月洪楊軍踞嵯境焚掠甚慘誦芬憤入
南山創義集團以拒敵十一月十四日與敵戰逐北五十里斃
敵無算乘勝合邢樹南呂宗楷呂協城之衆數至二萬踰白楓
嶺攻破東陽敵壘六直逼城下時民兵入鄰境地利疏衆心恃
勝稍懈前鋒已入城巷戰搏敵後衆不繼誦芬浴血陣亡爲敵

焚凶問至家妻錢氏一慟而絕子婦周氏哭姑繼死樹南監生同死東陽城內丁勇死者數十人載全浙忠義錄事聞賜祀崇義祠蔭一子世安承襲

呂宗楷字衡槎諸生居長樂鄉後宅辛酉冬嵎西洪楊軍既遁東陽盤踞巍山下程馬等處楷曰東邑爲嵎後路非先勦滅攻復嵎城無益也遂率勇徂東先是其妻過氏避難東邑玠溪莊洪楊軍突至過氏自縊死次子正璿痛母死曰必報仇因從東邑團長程式金招集義勇楷領嵎勇至卽共圖復東陽城令東勇攻南北二門嵎勇攻東門洪楊軍覩東人潰潛從南北迎擊楷父子血戰多時死城下事聞府道贈一門義烈額學憲吳特給忠節可嘉匾額同治五年賜雲騎尉世襲祀崇義祠襲次完時以恩騎尉世襲罔替

俞斐然字蔚齋諸生居蒼巖性魯勤問學辛酉冬某夕洪楊軍燒
蒼巖屋已燬倉卒出奔被刺要害斃於巷長子原泉亦殉焉事
聞賜祀崇義祠蔭一子

張福星諸生居大灣辛酉冬洪楊軍焚掠至莊婦女悉號泣福星
欲出排解遂遇害時年六十一事聞賜祀崇義祠蔭一子孫汝
承襲

周肇嘉諸生居開元辛酉歲洪楊軍將至勸之避不可乃口占曰
避難於人多不便何如高臥效袁安迨至鄉民有貼順字於門
者嘉揭去之遂被執大罵敵怒磔之焚其尸事聞賜祀崇義祠
蔭一子友誼承襲

商光遠字愷山諸生居方山辛酉冬遇洪楊軍不屈死事聞賜祀
崇義祠蔭一子

錢曰範諸生居長樂辛酉冬被擄洪楊軍以火灼其體索賂曰範大罵不絕磔之焚其尸事聞賜祀崇義祠蔭一子

張鳳池諸生居新沃辛酉冬罵洪楊軍被殺時年五十五事聞賜祀崇義祠蔭一子世襲雲騎尉

單殿彪字美緒武生居十七都石門同治元年率東南鄉勇合攻城於東郭死之事聞賜祀崇義祠子有恆

張錫榮武生居黌院辛酉冬被擄至城洪楊軍偉其狀貌親釋縛勸降錫榮大罵洪楊軍怒斷其右臂暈絕復甦仰天大罵頭觸階石死事聞賜祀崇義祠

俞浩然武生斐然弟同日遇害事聞賜祀崇義祠

裘永初職員貢生省成子隨父殉難事聞賜祀崇義祠蔭一子孫獻瑞承襲

施乃溥職員居瓜渚莊辛酉冬挈眷避難於新邑遁山洪楊軍擄其子嘉渙去溥奪之被殺妻沈氏亦遇害女桂眷姑投水死事

聞賜祀崇義祠蔭一子長孫慶萃承襲

眷姑二字疑有訛

潘振治職員居東門外隨練勇禦洪楊軍身傷刃死事聞賜祀崇義祠蔭一子恩榮承襲

余寅字少帆諸暨增生團勇統領陳朝雲幕賓也同治壬戌夏洪楊軍踞嵎城屢攻不克邑紳籲請陳來嵎攻勦寅與朱之琳遂隨朝雲帶精勇數百名由陳公嶺紮營於晉溪華堂城外洪楊軍望風遁嗣由華堂移營新邑扎會鑑邑團勇期定八月八日辰刻攻城先於初六日出屯茶坊洪楊軍已預調烏鎗馬步隊數萬於初七卯刻出城衝突朝雲迎擊二戰二捷寅與之琳亦各領一隊接戰寅中洋礮死敵遂肆殺屍不獲收事聞賜雲騎

尉世襲祀崇義祠

朱之琳山陰諸生字韻珊亦陳朝雲幕賓也朝雲移營新邑紀律嚴明居民忭慶皆琳與寅調遣合法使然也寅性剛愎將屯茶坊琳與衆議俟團勇齊集寅不可次日與洪楊軍戰身中數十鎗猶大呼殺賊洪楊軍憤極裹殺之碎其屍投諸水事聞賜雲騎尉世襲祀崇義祠

陳珩字望之安徽懷寧人由軍功保舉縣丞祖廷弼道光間嵎典史父弢有才望以知州留辦湖北山東等處軍務時珩年幼亦悉兵機咸豐庚申弢奉憲扎辦理浙江軍餉兼文案珩奉祖廷弼及家屬由浙至嵎嶠嶺家焉未幾省垣失守弢死之珩聞憤泣誓不共戴天辛酉洪楊軍抵嵎城陷輒同南鄉團勇禦敵自十月十二至二十三日血戰經旬至城下衆團潰珩猶奮勇獨

登遂遇害同治二年九月部議照四品以下陣亡例賜世職雲騎尉

吳鎔棠溪人監生壬戌閏八月洪楊軍由寧郡回嵯鎔罵賊死王之楨觀下人監生壬戌四月洪楊軍由寧郡回嵯之楨隨團董堵截十五日血戰陣亡

張景福大灣人監生遇洪楊軍擄其子抱持之脅以刃不懼亦不屈殺之擄其子去

樓仁歸樓家人監生壬戌八月猝遇洪楊軍挺身直前數其罪惡洪楊軍怒縛其手剗以刃罵不絕聲遂被殺

周敬忱新塘人監生幼失怙事母孝壬戌八月遇洪楊軍不屈死邢樹南下南莊人監生父爲洪楊軍所害樹南誓報仇約衆團攻長樂洪楊軍營乘勝攻東陽陣亡

錢倫煥長樂人監生隨父又蔡弟倫標避洪楊軍於羊角碾遇搜山並被擄匿其父謂已死倫煥哭罵不絕殺之投諸水洪楊軍退家人尋得其屍色久不變

錢倫標監生倫煥弟當洪楊軍初入境率團勇六百名奮擊於崇仁奪其馬匹旗繖殺獲無算後與兄並被執屹立數人曳之不能動又以身佩利刃指爲土匪頭目擒至營復詆罵不屈遂遇害

郭純粹前王人監生爲洪楊軍所執不屈遂遇害

周振聲開元人監生遇洪楊軍不屈死

張慶饒範村人武監生侍七旬病父在家洪楊軍至手格殺數人敵廬至竟遇害

尹自邠甘霖鎮人監生攻洪楊軍營陣亡

俞寅字虎林蒼巖人監生喜讀書親師友然狂於飲辛酉冬洪楊軍至不避被擄至新邑射圃脅降不屈罵益甚敵怒斷其頭以蓋酒甕

俞作霖蒼巖人監生壬戌八月洪楊軍至巷戰死妻袁氏女五妹同遇害

鄭泰寶長橋人監生辛酉洪楊軍抵嵎寶領二十六社團勇分守要害敵不能過而犯虞邑者凡二旬十月十九敵衆夾攻之團勇潰猶帶勇上丁宅嶺大呼殺賊賊怒殺之焚其屍

裘章字藍田監生崇仁人禦敵陣亡

潘家福居東門外辛酉西城陷避山上邏兵執之不屈媳王大姑同日死

章沛霖儒士居章村路辛酉洪楊軍入境霖以母初亡子殤妻又

投水死俚俚遇洪楊軍欲強之入城不屈殺而投諸南橋下
單有懷居石門殿彪姪殿彪攻洪楊軍傷彈懷扶叔行被洪楊軍
追及並遇害

王正佳上虞人寓蘆田助唐星河禦洪楊軍斃於彈

馬飛熊武童居馬仁村素善騎射有奇氣辛酉十月初六日洪楊
軍由諸暨抵嵎仁村團勇迎擊之熊殺敵數人初七陣亡其祖
母聞熊死義從容自縊年七十一歲

裘世銘居崇仁性簡厚辛酉避洪楊軍依祖塋恥蓄髮投水死

錢鎮軍鎮嶽弟與鎮嶽同日陣亡

黃肇忠居富順鄉竿竹山精技擊負俠氣咸豐十一年冬率鄉勇
至諸暨楓橋鎮疊破洪楊軍闔邑響應十二月二十二日乘勢
攻諸暨城不克同治元年正月攻嵎城又不克會二月六日會

稽余觀瑩大破敵於平水鎮肇忠奮勇助勦四月帶鄉勇入諸暨包村屢立戰功旋以被圍糧盡六月二十日率鄉勇潰圍出力竭被擒敵以鐵烙徧灼其體遂被害

載全浙忠義錄

安其招太平鄉安宅人洪楊軍自東陽入嵎必經三隘曰白楓嶺曰柞關曰大嶺均有鄉團分守咸豐十一年十二月洪楊軍萬人攻大嶺其招守大嶺所部僅二百人據險力戰殺敵數十自辰至午深入敵圍其招死之同時陣亡者五十餘人其招平時禦衆有方又得地利既死不亂敵疑有伏數日不敢窺三隘

載全

浙忠

義錄

呂賢遴長樂鄉雅安人咸豐辛酉洪楊軍陷嵎城其遊勇竄入嵎西上自太平鄉下至甘霖鎮五六十里悉爲巢穴渠魁鏞天義

魏賊

鏞賊二字疑有訛

盤踞長樂鎮勢尤猖獗曰敵營不破吾屬無死

所矣遂傾困起義一時雲集者數千人星夜分路攻擊遴領義
勇先攻長樂營殺敵千餘名奪馬三十餘匹敵驚潰甘露鎮以
上敵營悉潰遁東陽遴以陷陣太猛死於難事聞府道贈紆難
成仁匾額

高振文儒士昇平鄉高家人博通經史尤精數理卜易多奇中洪
楊軍將抵嶧自知死期辛酉十月初七日辰起具衣冠坐堂上
命子孫遠避洪楊軍至諭以理不入大罵之遂遇害時年八十
五

楊士林居碧溪辛酉十一月十六日攻長樂營陣亡

張成標字柱堯甘露人幼讀書麤識字比長貌魁梧多膂力里中
少年咸憚之咸豐辛酉洪楊軍陷嶧鄉人呂月艇尹月坡輩倡
辦團練成標爲領隊戰輒當先一日遮敵東山灣成標持挺衝

突斃敵數人會敵騎擁至所部潰成標怒曰賊亦人耳畏之如虎耶直前赴敵中彈死時十一月十三日也比敵去家人跡成標立崖下視之僵矣所持挺仍勿釋

鄉賓孫天鏞

楊永照

薛恆鉉

徐耀嘉

易玉堂

並居城中

任宗林

居馬鞍澆

佾生章功禹

居章村路

以上一都方山鄉

陳正昌

陳基權

王潮清

王成建

王武鑑

王武凱

吳金海

並居蔣家埠

林本堯

居下林

王厚林

居墩頭王

張邦梓

居山前

汪阿寶

居浦口

潘宗敬

居過港

姚盛玉

居姚家

黃永法

居長灣底

葉廷忠

居長坑底

胡金松

居山棗灣

俞曰嘉

俞允坤

陳方孝